

考論俾僧道兩路邪正分明

燒却

今上皇帝承前聖旨事意普召釋道兩宗

少林長老爲頭衆和尚每張真人爲頭衆先

生每就上都宮中大閣之下座前對論內衆即有那摩國師拔合斯八國師西蕃國師河西國僧外五路僧大理國僧漢地中都圓福

超長老奉福亨長老平涼路開覺邁長老大

名津長老塔必小大師提點素摩室利譯言真定蒙古瓦北京詢講主大名珪講主中都壽僧錄資福朗講主龍門育講主太保聰公等三百餘僧儒士竇漢卿姚公茂等承相蒙速速廉平章丞相沒魯花赤張仲謙等二百

餘人共爲證義道士張真人龐子王先生道錄樊志應道判魏志陽講師周志立等二百餘人共僧抗論

今上問曰道家所造八十一化圖并餘謗佛文字李志常先於

蒙哥皇帝面前共少林辨論已屈伏了招承

皇帝恐先生每心內不伏特傳
聖旨再倚付將來令子細持論若是僧道兩家有輸了底如何治罰釋曰西天體例若義墮者斬頭相謝而道士相顧莫敢明答

帝曰不須如此但僧家無據留髮戴冠道士義負剃頭爲釋時先生每晃躍鶴列藍袍錦

至元辨僞錄卷第三

何十七末

袖攘臂爭前僧曰釋道辨諱源起化胡今將從頭一一討論且如汝書題云太上混元上德皇帝明威化胡成佛經若具辨之恐成繁雜且舉大意試爲評論問云今化胡經文端的實是老子說耶道曰是老君說也釋曰若是老君說來化胡經中說俺僧衆剃髮受戒

所行之事汝宜知之受戒儀範詳細說來道曰你每之事我不管之釋曰受戒小事汝猶不知明顯化胡經文並是偷佛經作道士無答又問化胡成佛佛是何義道曰佛是世間上等好人釋曰自古已來多少好人何不稱佛耶佛之深義汝本不知道曰佛是覺義釋曰覺箇甚麼道曰覺察覺悟釋曰何者能覺何者所覺道曰覺天覺地覺陰覺陽覺仁覺義覺知覺信無所不覺是佛義也釋曰佛是大聖之人窮盡性命之道豈但覺於仁義耶五常訓世之典孔子所談佛若但知此者孔子何不稱佛耶道士無答圓福長老問姚公

茂曰仁義等語老子之言耶孔子之言耶姚公茂答曰孔子之教也圓福曰道士從來偷俺佛經改作道書儒門唯有仁信之言汝家看守不定亦被道士都當面偷了帝問諸儒曰仁義之語孔子所談耶姚公茂等對曰是孔子之說也帝曰既是孔子之說云何將來說佛明知道家之言並是說謊之語道士既不能答乃將老子傳化胡經史記等書呈於帝帝曰不須道士多言但取文字爲證帝曰此是何人之書道曰此是漢地自古已來有名皇帝集成底史記古今爲憑帝問自古皇帝唯漢地出耶他處亦有耶道曰他國亦有又問他國皇帝與漢地皇帝都一般麼道曰一般又問既是一般他國皇帝言語漢地皇帝言語都一般中用麼答曰都中使用帝曰既中使用老子他處不曾行化而這史記文字主張老子化胡不是說謬文字那這般史記都合燒了不可憑信道士並無一答那

摩國師以柱杖指著道士罵曰這般勵馬之
人百事不曉與這般先生說箇什麼。拔合
思八國師問曰老子留下根本經教名爲什
麼答曰有道德經是正根本再問除此經外
更有什麼根本經教再答唯此道德爲源本
經再問此道德中還有化胡事麼答無有此

事問此中無有何處說耶答曰漢兒地面史
記文字說化胡事問你上說言他國史記與
此漢兒地史記一般中用俺西天有頻婆娑羅
王史記言語還憑麼答曰都是史記敢不憑
信又問既然憑信彼史記道天上天下無如
佛十方世界亦無比此是西天史記恁般說
來既天上天下無如佛何處更顯老君化胡
成佛來明知你每之言並是虛謬之說道士
無荅國師又曰彼史記又言天下有頭髮底
俗人禮拜一箇小小沙彌這般言語彼史道
來不曾見說老君度人汝曾聞麼道士答曰
不曾聞得上怒曰偏此史記汝不聞得漢兒
地

史記你偏聞得姚公茂謂道士曰守愚曲士
難論大方只爲執著漢兒史記自語相違向
者前言都是史記敢不憑信既西天史記如
此言之則佛是聖也今已輸了猶更折證道
士默然。帝曰老君之名但聞此處佛之名
字普聞天下何得與佛齊耶道士言既無據

面被詞窮先是少林上表於

蒙哥皇帝論道不真中有一道士不勝其憤
高言謂少林曰汝之表文謗李老君言其實
死妄引莊子秦佚吊之此乃莊周寓言何可
憑信少林曰莊子之書道家宗尚既是寓言
則道藏之言並無實說道士又對帝問張良
人曰你心要持論否張真人曰不敢持論
上曰你每常說道士之中多有通達禁呪方
法或入火不燒或白日上昇或攝人返魂或
驅妖斷鬼或服氣不老或固精久視如此方
法今日盡顯出來張真人並無酬答時逼日
沒閻中昏暗。帝曰道士出言掠虛即依前

三

約脫袍去冠一時落髮當時正抗論者一十七名論畢那摩大師使西京明提領燕京定僧判玉田張提點德興府龐僧錄及隨路僧官監守防送來到燕京既入都門塔必大師蘇摩室利使道士星冠袍服掛在長竿普令曉喻并私占寺宇山林水土四百八十二處並令分付釋家洎燕京奉福寺長春宮所占虛皇大閣却分付與金燈長老上件八十一碑刻之文塑畫之像道家無底盡與刻除少林長老與僧議曰若盡要了恐譏恃力却因與二百八十處但取訖二百二處大小讚美稱佛門之多讓焉

今上皇帝乃降聖旨曰依著

蒙哥皇帝斷來聖旨先前少林長老告辭李真人爲頭先生雕造下說謊底文書化胡經十異九迷論復淳化論明真辨偽論辨正謗道釋經辟邪歸正議八十一化圖上欽奉

聖旨倚付將來俺每拘集至和尚先生對面持論過爲先生每根脚說謊上將和尚指說出來底說謊化胡經衆多文書并刻下板燒毀了者這般斷了也恐別人搜刷不盡却教張真人自行差人各處追取上件經文板木限兩箇月赴燕京聚集燒毀了者及依著這說謊文書轉刻到碑幢并塑畫壁上有底皆會隨處先生就便磨壞了者刮刷了者先生不得隱藏者若有隱藏的或人告首出來那先生有大罪過者時戊午年七月十一日行張真人既聽讀訖乃使人就雲臺觀追取說謊偽經化胡經八十一化圖等板木及隨處宮觀有底偽經輦載到燕京於大憫忠寺正殿之西南面對百官並與燒却萬壽諫和尚與下火云伏聞三元五運之肇百家諸子之書莫不導人倫信義之風述堯舜周孔之道統其要也未達真俗之源凜其理也不出有無之或豈若三達無礙之智百神無以傳十力

無等之尊千聖莫能匹梵天仰焉帝釋師焉
道濟四生化通三界圓音一唱則外道摧鋒
法鼓暫鳴則天魔稽首故號佛爲天人師無
上大法王豈得與衰周老子比德爭功但以
法流漸遠魔外滋多爰有全真哀集道藏充
函溢几空多修煉之方堆案盈箱謾說導引

五

之術延年却老自古虛傳羽化長生於今有
幾無奈祭酒道士王浮志經學謝管窺智慚
螺側矜白鳥之翼望駭泰山負爝火之明爭
輝日月據已所憾悖乎揚言妄語化胡謬稱
十異邪言惑正魔辯逼真攘竊佛經顛亂聖
典全無忌憚恣其猖狂覆水而說涅槃曾無
憑據蹈火而談妙法有類俳優用梵爲唐以
冠加足文多訛謬義有差違誣詐自彰寧煩
縷說旣非老氏所制毀之則有益生民況是
鄙人所談除之則有光先哲伏承我
聖朝世主大國賢王膺千載之期安九五之
運扶危濟世之德越湯武而獨高夷凶剪暴

之功逾漢唐而孤顯蕩蕩巍巍聖德難名加
以留心釋氏駐意佛門志欲還淳情存去僞
理乖事舛者雖在親而必除義當符名者雖
有踈而必舉近聞隨處道觀妄傳化胡僞書
并餘傳記屬詞鄙陋殆不可聞出惡語若梟
鷙肆慘毒如蠻尾述妖妄惑人心傳淫書亂
物性爲善寡爲惡深玷辱先賢之典謨敗傷
人倫之風化如

聖旨到日拘刷前來於燕京稠人廣衆之前
並皆焚毀杜絕邪源若私蓄者準制科罪從
此葉墜柯摧雲收霧卷狀洪爐之焚熾羽猶
炎景之燦輕冰負勝之流於斯可見暫歸慈
定已破魔軍聊奮慧刀即除邪教可謂廓清
寰宇大振玄風佛日由是增輝法雲所以大
布蒙、皇家闢正覺之路使黎民出邪見之
林正當今日既然滿載將來好興一時燒却
且道燒却後成得箇甚邊事諸人還委悉麼西
風也解嫌狼藉吹却當年道教灰己未年九月初七日

於中都憫忠寺前築臺集在本僧道宣集印板並皆除數掃其邪蹤仍仰隨處道觀不得私言如違治罪今築土臺用記其處其天下占了寺院亦即改正所有星冠袍服普散西蕃回回大理國咸使聞見其落髮道士遍散諸寺無一逃失若去了者與賊同罪當時論畢有一道士潛隱名姓不勝

太

憤怒乃上言三百八十歲駕言壽永以傾僧人 上召問曰你既多年當初宋上皇時僧有何過使戴冠耶道士曰山中住來不知此事 上曰既言三百何言不知既不能知此是說謊人也使寮佐張仲謙元學士窮考年數乃三十餘歲本邢州人也 上怒其不實

始則配塗役夫終竟喂了豹子嗚呼作德心逸日休作僞心勞日拙桀紂殊世而齊惡姦人異代而等僞斯言信乎初丘公西行壬午年中見 太祖時有七十四五至於迂化纔近八十而劉溫誑詐 太祖言丘公有三百餘歲及太祖問以年甲僞云不知故湛然居

士編此語在西遊錄中標其謂主今此道人又踵前蹤既一言之出口終駟馬之難追恣掘強而狂言竟葬身於豹腹疾在膏肓而莫療心同頑石以難廻前車已覆其轍後車又不改轍邪妖僞妾歷代恒興略叙二三以彰奸匿初後漢沛人張道陵客遊蜀上住鵠鳴山造作道書創置條儀摩鶴山頂誰誘獠民奉其道者出米五斗時号米賊後爲大蛇所吞身葬蟠腹弟子詐云全身上昇後魏寇謙之字輔真自号天師僕惑太武於嵩高山上建淨輪天宮太武親授符籙旗幟尚青以合道家之色覲覲長壽而太武身感癘疾冠謙身亦早卒勞擾萬民竟無一補金陵道士陸脩靜辯口利語增制符章妄陳三錄救世攘凶會梁武捨事李老詔行天下道不能興乃率門弟子北投高齊廣贈金帛遍散王公冀行道法專倚殘術欲振佳聲文宣試之一無可驗昇空者墜於臺下入火者燎却眉毛唐

之禁靜妖術亂主夜引玄宗遊於月宮而祿山搆禍幾於亡國道士趙歸真巧言取譽惑亂武宗行合氣穢術服金石毒藥長生未驗藥燥先亡宋林靈素術聘小伎要君取榮夜引上皇夢遊神霄傾惑耳目号爲天師既而汴水泛溢陷沒齊民上俾林氏治之了無一

効洪波湧沸上起天津朝野驚惶控告無所上皇焚香禱佛謝過責躬感泗州僧伽大聖現身雲濤自弭萬民懼慶林氏逃亡金朝末代有烏骨菴先生常披麻被徒遊里巷咄空罵衆詐号神仙下愚庸徒亦有信者哀帝惑之頗信鄙術任道士狡猾之情行世間艱難若道者多兵火已來精剝名藍率例摧壞若道士不占亦爲勢家所有或撤以爲薪有何益焉居士曰聰明特達之士必不如此脫有爲此者此愚人鄙夫尔又何取焉既号出家之人返爲小人之事改寺毀像侵奪山林所以君子責備於賢者也此曹始居無像之院後

之法蓮士身罹於憲綱哀帝命盡於蔡州如此姦凶隨代常有始禍延於閭里終傾覆於家邦若娶狐之爲祥猶蛇虺之洩毒以恠生惟將虛捏虛聽之則滿耳洋洋求之則捕風繫影散道德之醇粹扇澆漓之邪風汚辱人倫敗傷王化而更肆頑瞽不懼朝章無上善而瘞我之父母較之人情以謂如何尔古人

若水之能有下愚饕餮之行侵黎民之沃壤古釋氏之膏腴買權勢之人情避佛門之正道首溫觴於丘老卒潰壞於志常雖恣縱於奸心終見笑於智者善平湛然中書西遊錄中云客問居士曰今之出家人率多避役苟圖衣食若削髮則難歸於俗故爲僧者少入

道者多兵火已來精剝名藍率例摧壞若道士不占亦爲勢家所有或撤以爲薪有何益焉居士曰聰明特達之士必不如此脫有爲此者此愚人鄙夫尔又何取焉既号出家之人返爲小人之事改寺毀像侵奪山林所以君子責備於賢者也此曹始居無像之院後

毀有像之寺初奪山林之精舍豈無冀望城郭仰藍之意乎從遠至近從少至多深存奄有之智亦所圖不淺爾設有故墳宿塚人愛其山崗之雄麗林麓之秀茂乃曰此塚我不伐則後亦有人伐我將出其骸骨弃諸溝壑而瘞我之父母較之人情以謂如何尔古人

夷六月衣羊裘而不捨遺金者既爲道人忍作豪奪之事乎此曹首以修葺寺舍救護聖像爲名居之既久漸毀尊像尋改額名大有磨滅佛教之意其修護寺舍者乃如此乎果欲弘揚本教固當選地結緣創建宮觀不爲道門之光乎大丈夫竊人之宇舍毀人之祖宗以爲己能何異羣竊狗盜之作乎因他成事豈不羞哉兵火之事代有廢興未嘗有破寺爲觀之事渠蔑視

朝廷而敢爲此不軌乎昔林靈素託神恠詐力見用於宋可爲元惡大憝矣尚未敢改寺爲觀毀像爲道今則此曹所爲過靈素遠矣豈非神明震怒而促丘公之壽乎夫物速成則疾亡晚就則善終昔佛教西來迄今二千餘載明君賢相固不宗敬高僧奇士隨代而出爲國師者何世無之佛圖澄後趙國師衛道安符秦見重羅什姚秦師仰法果元魏家師朗公諸國咸奉北齊敬崇大統隋朝重於

天台大唐老安惠忠北宗神秀清涼國師不空三歲大遼竹國師大金圓通善國師如此名師未有改道觀爲寺宇者是以佛祖之道根深蒂固確乎其不可拔也若釋得志以奪道觀道得權而毀佛寺則鬪諱之風無日而息矣夫國之憲章漢唐舊政非一代之法也塞萬世之法也時君世主皆則而用之若大臣之規矩莫可廢也雜律有毀像之嚴刑勅條載禁邪之明式今此曹毀宣聖之廟撤釋迦之像遊手之人歸者如市糊口之客日聚共門不分臧否一槩收之此所謂聚逋逃之淵藪爾會觀不攻而自敗也噫林泉之士不

與物競韜光匿跡人猶耻之况自專符印抑有司之權奪有司之民自覽貢獻懸牌上下取媚人主者豈能見容於世乎以此證之則乖漏不軌之事人皆知之詎待予之喋喋也蒙哥皇帝初壬子春詔以

今上皇帝征吐蕃及花馬大理等國 上於

大理國得舍利及黃金塔高可二尺晨夕禮奉載以前驅廻至六盤山今庵主溫公爲教門統攝聚集天下名僧於清涼山建百日勝會享供文殊大聖宮給所需絕瑞嘉祥不能備紀上道回秦川見三教堂有以老君處中佛却傍侍乃謂左右曰老子世人中賢

其教少用未達聖人之理難超生死之津共佛同坐於理不堪況乃僭尊愈爲不可明年至日月山俾中山府乾明寺長老志公奉

旨乘驛隨處改正通四十九處塑者碎之盡者洗之所有乖戾並與迂革於河中京兆絳州平陽府四處立碑旌其僞妄集錄者曰古

稱根深葉茂源遠流長斯言信矣昔我法王三無數劫積功累德果成道圓然後百億世界一時現身說法四十九年度脫百千萬億梵王帝釋稽首傾心外道天魔躡角折膽集萬聖於菩提場內伏云師於跋提河邊化緣事周返歸蓮藏八大國王競分舍利五百羅

漢結集微言教滿人天法流沙界無爲之風廟矣不言之化行焉逮乎像季斯文不亡馬鳴龍樹纂其微音無著天親播其遺羨蜚英聲於四海騰茂實於八方法蘭僧會寶貝典而東傳慧遠道林唱玄風於南國佛圖澄掌照千里阿目併坐鷗群兒衛道安注教科經

隋智者分宗立典救生靈於塗炭解危縛於倒懸拔出生死之津高置涅槃之岸巍巍蕩蕩無德而稱煥煥融融有生斯賴明君外護碩德內持歷代帝王仰弘聖範所以漢明帝遣使西請繪像翻經晉明帝口誦金文手圖佛像簡明帝恒思法味孝武帝稟受戒章宋文帝受訓跋摩齊武帝欽崇僧徒梁武帝講經持戒陳宣帝降意法進宣武帝廣供梵侶齊文昌專憑佛力隋文帝屈膝晏延玄宗注般若真文肅宗誦仁王寶典德宗憲宗迎舍利而供養宣宗懿宗復覺路以興行梁晉爭衡微猷未輟炎宋受命付囑不忘大遼則傾國

奉佛金朝則始終崇釋

大元啓祚瞻意法門太祖則明詔首班弘護茲道太宗則試經造寺雕補藏經谷與罕則令僧庵從恒誦佛經蒙哥皇帝則供僧書經高營寶塔今上皇帝則飯僧建刹造像鎔金捨廣大之珍財誦無上之藏教以拔合

思把爲國之師耳目具知非爲虛飾莫不搆巨殿而安其像架長廊以處其徒味其道而潔其神尊其人而遺其禮非唯緝熙於帝道乃亦協贊於皇基返澆漓於醇源躋黎民於壽域家知積惡之苦人興極善之方始風靡於朝廷終波流於士女若非至妙安能

父行昔公孫龍古之善堅白之者田巴之徒坐租丘議稷夏非三皇滅五帝強詞巧辨口伏千人而不流傳於後者以無實道可傳也佛生西域教興東方賢宰哲王繼踵護持者其道可法也故大顛和尚對韓愈曰自漢至於今歷代如此其久也君臣士民如此其衆

也天地神祇如此其明也而佛之說乃行中其人仰而信之無敢議而去之此必有以敵天地而不耻關百聖而不慚妙理存乎其間然後至於此也予益深思之乎斯確論也今之道士專飾詐力夫闕他門苟騁奸心蔽蒙覺路不荷國家寬恩洪溥更恣私臆廣撰謗文言無入聖之誣文有亂真之誑竊佛聖教妄作僞書恣其猖狂不思顛蹶覩華教即云在蓮花中見金光明便說坐火爐全迷至理巧會經名醜語似於梟鳴暴戾過於狼噬悖言亂德妖詐惑人玷辱憲章靈傷風化如或不剪惡種復滋仰惟

今上皇帝道協夏禹業廣周文紹三五之洪圖安九五之寶位神襟內朗智鑒外明有德者雖在怨而必封無功者縱至親而決罰明達四目幽枉咸通威震九服奸邪克翦駁僧徒之實理委道士之虛聲具召二門辨析宗趣而道士欲張魚目用奪驪珠眩彼蹄涔爭

多滄海聊題綱目結舌無言試探宗源衝壁
納歎元戎走陳李浩然先敗於前裨將倒戈
張志敬讞言於後雖鳬趨而鶴列終瓦解而
土崩摘星冠而面慚脫霞轡而情愧佛真道
委於是顯焉積歲姦兜今朝敗露由是雲收席
捲葉墜柯摧猶赫日之燦纖冰若洪爐之燎

十三

輕羽塘娘拒轍豈曰堪任蚯蚓奮威終成蠶
粉昔明帝驗真僞之情子書咸從火化

今上辟妖邪之氣道經並作煙灰化胡出塞
落空亡謗道辟邪隨風散費叔才當時憾死
李志常膽破先殂日赴五千之威靈於今何
在飛符起戶之神變此際不聞藏天隱地之

感德孔昭嘉聲遐暢矣嗚呼太虛淨而迷雲
起大聖生而外道興異學亂真自古而有非
汝諍論那顯我宗以汝不平起我不平汝道
若平則我自平尔正道如海汝能偃乎正道
如空汝能滅乎仰面唾天只自汚首徒興捕
辨於汝何補哉不勝舞蹈謹申贊白

覺皇利見

龍興五天

教唯入善

宗本忘筌

聖哲欽依

愚夫大笑

道不絕倫

匪爲要妙

異道凶頑

瀆聖無禮

明主難惑

片言可折

邪難扶正

僞不掩真

魔雲永滅

佛日長春

聖壽萬年

英聲千古

十三

熙帝之載

享天之祿

大海有竭

虛空可量

弘規雅範

永遠無疆

偉法王之鴻烈

邁今古而獨高

廓五乘而圓範

運六通而遊遨

坦八正之達路

蘊十智之鉗韜

跨四大而超步

冠百氏之雄豪

勝方了無半驗移山掣斗之秘術莫顯微徵
笑倒閭巷之庸夫羞愧隨鸞之會首一場出
醜千載難磨雖巧言之如簧終貽顏之厚矣
故得聖上回睠朝臣改觀佛日於是再懸
法雲由茲廣被廓清寰宇大窮慈風剪邪見
之禍林闡法王之正路歡呼帝死舞蹈閭閻

據大千之疆域

濟四生之劬勞

北京 傳教寺講主了詢

慈風軼於麟趾

仁化逾於鶻巢

大名府 法華寺講主慶規

侔陰陽之蓋載

等造化之甄陶

龍門縣抗講主行育

智者知而欽慕

愚者迷而遠逃

大都 延壽寺講主道壽

嗟聖運之澆季

仰山寺律主相寂

嘉吾皇之聰睿

慨正道之生蒿

明鑑察於秋毫

哂全真之爲僞

欲禁犬而吠堯

持論道士落髮者一十七名

大都 天長觀一十二名

卷之三

曾一言之未整

咸脫瑩而去袍

燕京 圓福寺長老從超

卷之三

喬山壓於春郊

洪爐燎於羽毛

奉福寺長老德亨

卷之三

蕩魔雲於八表

駁佛日於九臯

法寶寺長老圓徹

卷之三

至道齋而復闡

真乘軸而再膏

資聖寺統攝至溫

卷之三

美斯文之未喪

播盛德於旌毛

對道士持論師德一十七名

西京開元觀講師張志明

卷之三

藥師院長老從倫

平陽路玄都觀講師李志全

卷之三

資聖寺統攝至溫

代陽勝寧觀講師石永玉

卷之三

薊州 甘泉山長老本璉

上方長老道雲

卷之三

蘭州 開覺寺長老祥遇

撫州龍興觀主于志申

一作道錄并道士李掌禁嘗中在選錄者
一十七名先是童謡有云十七摸頭至

是驗

後詩曰

可矣全真說化胡
泊乎論議盡成虛
詞窮理盡拋冠冕
暮禮佛名慚接和
自從漢代燒經後
耻道爲僧兩遍輸

負墮頭傾剃髮鬚
晨參僧衆設長噓
立劙雖死也應慚
哩所錄事跡昔在

其二

全真論議口如纖
昨日擎拳猶稽首
七星冠帔繞拋却
自做這場千古笑
納欵爲僧別老聃
今朝合掌便和南
三事衣盃尚未諳
立劙雖死也應慚

大元至元辨僞錄卷第四

大元至元辨僞錄卷第五

大都路道者崇善寺傳法沙門桂遇奉勑實錄撰

聖旨焚毀諸路僞道藏經之碑

翰林院臣唐方楊文郁王構李謙閭復李濤
王磐等奉
勑撰

何五

碩 砂 大 藏 經

大元至元辨僞錄

七

第一一九冊

至元二十一年三月日

詔遣資德大夫總制院使兼領都功德使司
事相哥諭翰林院戊午年僧道持論及至元
十八年十月二十日焚毀道藏僞經始末可
書其事于后臣盤等謹按釋教總統合台薩
哩所錄事跡昔在

憲宗皇帝朝道家者流出一書曰老君化胡
成佛經及八十一化圖鏤板本傳四方其言
淺陋誕妄意在輕蔑釋教而自重其教劉賓
大師蘭麻總統少林福裕以其事奏聞時
上居潛邸憲宗有旨令僧道二家詣
上所辨折二家自紛道勝則僧冠首而爲道

僧勝則道削髮而爲僧僧問道曰汝書謂化
胡成佛經且佛是何義道對曰佛者覺也覺
天覺地覺陰覺陽覺仁覺義之謂也僧曰是
殆不然所謂覺者自覺覺他覺行圓滿三覺
圓明故號佛陀豈特覺天地陰陽仁義而已
哉上謂侍臣曰吾亦心知仁義乃孔子之